

# GOSPEL TANGKOU

Issue No. 4

Volumn : XXXIV

June

2019



**2019-2020 KUM THUPI :**  
**“Lungkelou in Mangpa nna sem vai...”**

Jer. 12:5

**EDITOR:**  
**Rt. Rev. Dr. S.K MANLUN**

**EDITORIAL BOARD**

**Founder Editor:**

Rev. M.Hauzalian  
Mobile No - #09275259138  
E-mail :lianmanlund@yahoo.com

**Editor:**

Rt.Rev. Dr. S.K. Manlun  
Mobile No - +91 9612152332  
E-mail :melchqtrs@gmail.com

**Joint Editor:**

Upa S. Zamkhanpau  
Mobile No- +91 9612574232

**Assistant Editor:**

Rev. Rtd. S. Nengkhanmang  
Mobile No- +91 8974139641

**Contributing Editor:**

1. Rev. Dr. Hangminthang,  
Director of Ministries  
Mobile No. +919612997858
2. Rev. Thangliankham,  
Director of Missions  
Mobile No. +9862830905
3. Divisional Superintendent teng

**Design & Setting:**

Mr. Khamkhanhau  
Mobile No. +918974955366  
E-mail : munluohaupu@gmail.com

**Circulation Manager:**

1. H. Khaikhogin  
Mobile No - +919862133422
2. Dongzakam  
Mobile No. +919612198903

**A SUNG A THU UMTE**

Editorial	01
Gin umna in Mihing...	02
Khupdin Khristian.....	07
Lutheran hattuum tanchin ...	11
A Siangthou Baptisma....	14
Jesu Krist ahing peina...	16
Thu tuomtuom	18
Theisahkiana	20

Patron Member ₹.1500/-  
Kum khat lah man:  
Khut ah - ₹.150/-  
Dah ah - ₹.200/-

*Editor dawkan apat .....*



Tukum i thupi uh “Lungkelou in Mangpa na sem vai...” ahi mabang in a koima pou in lungkelou a Mangpa na isepna uah Mangpan hing pui in 2019 a dia kumkim June hatan ang pui Pa Pasion min i phat uhi. Khatvei teng nang leh ken Mangpa muongla bang nanlei, Aman Ana sem ding in nang leh kei ang muang ahi.

Laisiengthou ah Mangpa suoh talent gentehna thu imu uhi. (Mat. 25:14-30) A suohpa khat kung ah talent nga, khat kung ah talent ni, tualeh a suaehpa khat kungah talent khat apie hi. Ana sem ding in gintatna lianpi anei a, a sem ding in zong a ngansia hi. Ama ang pei kia masang a sem dingin i koi a, bangtan hun anei uai? Apupa’n (Master) ang pei kia hun ding a theisih ua, Aman zong ang pei kia hun ding a gen sih hi. Tam hun sung ah suoh ginum leh gin umlou koite ahi uai ang kilang hi. Ami siangthoute la a ang peikia hun ding koiman a theisih a, hinanleh na sep bang zel a Mangpa’n thu hing khen ding ahi. Talent nga kipepa i bang ei? Talent ni kipepa i bang uai ki ngaituo vai. I sep bang zel a Mangpa’n thu hing khen ding ahi.

Genesis laibu ah Pasion in Adam Eden huan a nasem ding leh enkawl dinga a koi imu hi. Ei Christiante zong Mangpa kinepna banga Ana sem ding a ngansiate ihi uhi. I talent hing kipete Pasion thupina ding leh a lenggam kehletna ding, gapha suang ding, i pupa uh lam etna banga sem dingte ihi uhi. Nang leh kei Pasion nna isepna uh eima metna ding maw? neh leh tah sum leh pai mutheina ding bep amaw? ki ngaisut tham ching ahi. Sawltah Paul in tambang in a gen hi. “A zieh pen eite silhoi bawl dinga Khrist Jesu a siem a um, Ama khutsuoh ihi uhi. Tua silhoi bawl khu Pasion in masang lai peh a i umna dinga ana guotlawhsa ahi.” Silhoi bawl ding leh Ana sem dinga eite ama khut suoh ihi uhi.

Gin umna in

## **MIHING A TAWISANG**

**By:~ Rev. Retd. S. Nengkhanmang**

*Siemchil Bu 39:7-20; sung isim leh Joseph tangval noukhat a pu a dinga a ginum dan aki mu hi. Nupi mel hoi/Nungah dawng khat in a jawlou ahi. Hinanleh, a pinu in Josheph gin um nakhu lehei pieh in a pupa in suongkul sungah a khumsahta hi. (Gen.39:20).*

Khum hunlai in Joseph in a ginumna, adihtatna, a sienthoua gendoh taleh apinu khu kizumsuo ding ahiman in, a ginumna, a sienthoua gentalou in, dihtatna leh gin umna dang khat in hun lemtang ah hing genta heh a chitah ziehin hamlou keei in a umta a, suongkul sungah a lut tahi. Hima nanleh ginumna khu suongkuul sung a henden thei chi ahi sih a, suongkuul sung pen midih lou leh ginum loute upna kulpi ahiman in mi gin umte a thawl sih hi. Joseph zong khu a gin umna dih loutah in thangsietna in min sesah in suongkul sungah khumlut nanleh, ginumna pen Pasion lim leh mel suhlatna zem khat ahiman in mihat in zong a

zousih hi, Joseph gin umna leh dihtatna khu ahun tah in Pasion in gin um na dang khat toh ahing tahlangta a, thongsung apat hing lakhie in Leng Lukhu leh mangpuon sil in a touna ding laltouna khu ape tahi. Tambang dan a kidangtah a dopsangna khu Pasion minthanna ahi man in mi ginumte ape ut hi.

Khum in German gam ah naupang ginum tahkhat a um a, apu Belam honte aching hi. Nikhat a Belam china gam palah ah a uplai in pasal duong ching muon um tah khat basam tah a hing tunga, a melpuoh dan ah chimaw tahleh zalatah mel akilang hi. Naupang pa kungah bawi pu aw, kei khu a gammang kahia, kasuh na ding lam zie ka

*Gospel Tangkou June 2019*

thei nawn sih hi. Tamna pat a mihing tenna kho naipen khat a ka tun theina ding lampi hing hil in hing ngaisut pieh in ahing chi hi.

Tualeh, naupangpa in, pu aw tamna pat a mihingteen na khuo nai pen khat a natun theina ding dan lampi a um sih hi. Belamte sulnua jui a napei ding ahi ngalsih leh bawl dan ding ka theisih hi. Nitah lam tan hing ngah in len, keima toh ki jawkhawm lei hoipen va ka chi hi. Gammang pa in, tangval lungsiet tah in lampi hing vahil maitan, nuom man tamtah ka hingpe ding hi, a chi hi. Nau-pangpa in, pu aw hing ngaidam in kapu in kei ahing muong a, a Belamte ahing chinsah ahi. Lampi hil dinga, Belamte ka nuasie kal in Belamte khu ngie hang in nakeih taleh kapu hing gintahna tengteng a thawm in abeita ding a, tuaku kei a ding in sil khawh/poi tah asuoh ta ding hi. Hing panpi ut nan leng zong Belamte nuasie in ka hing buoipi theisih ding hi, achi kia hi.

Tualeh, gammangpa in tangval na theisih ahi, kei khu mihausa tah ka hi, lampi na hing

hil leh nadam sung a nakhosah theina ding khop, inteen thei na ding ching dangka sum leh paai hingpe ding ka hi, tualeh chita maimai leh Belam pupan zong natha man tahpi zong ahingpe theizing ngelna amah ka gen bang in lampi hing vahil lechin kidang nasah ding khopa hing phungvua thei ding ka hisih amah. Tam Belamte zong lah nang a hisih a, ahing chita hi. Khum in naupangpa in, E he!! Kapu tung a sil hoi loutah hing bawl sah sawm nahi maw!. Kapu in ahing muonga, ka khutah a Belamte a hing koi hi, tuabang a ka pu tunga gitlouna hing bawl sah sawm nahi leh kin tahin pei mangtaan. Hausatna sang in gin umna ka dei jaw hi. Migilou tah na hi chi ka hing theita achi hi.

Khum in gam mangpa in zum huoi asata mama a, naupang pa kungah, tangval, hing ngaidam in, ka bawlkhiehl tahi. Nithum tah gampalah a vahvai kahi tahi. Gammankia sawn sawn ding kajau senga tuni toh nithum anngawl kahita a, kabasam seng a hamkhiehl thopthop kahi tahi. Bangma

gitlouna zong hing bawlsah sih vang, nagen bang bang in um vangin tam mun ah hing ngahta vang, nitah vai pei hun chiengin nangma toh ki jawh khawm in nateenna khuo lam ah hingpeita vang, chi in thajaw mama a nahhu tungla vawt in ngaidam ahing ngen tahi.

Khum in naupangpa in a lungsiet kiata mama a, tuachiin akawljial sunga, a anphel puoh leh a tui umpuoh ahinglakhie a, pu aw ka thesiah ahi, enin tamnah Butuun neukhat leh tui um neukhat ka vom hi. Tawm nanleh nelechin nagil kiel sawlsam khu themkhat beh hing nop tuom dinghi, kei pen in zingkaal in zong ka hing nena hi, nitah tan ka ngah zouna ding hi, chin gammangpa khu lungsiet tah in apeta hi. Gammangpa'n zong zum zou lou in alapai a, aneta hi. A gen bangin asawl sam vei themnou khat in ahing nuom tuompai ma hi. A mit a hingvah a, atha zong ahing um deu hi. Tuami gammangpa khu German Lengpa anahi! Amite in a hing suidoh ua thupi tah in sakawl leng tunga puo in leeng innpi lam a jotpita uhi.

## **MI GINUM MUSIT SIN**

Khumnua ni sawtlou khat in, ngaivawi, German Lengpa'n a suohte ahing sawl a, naupang ginum khu ahing suidoh ua, Lengpa tapa banga leng inpi sung a teng dingin, lengpa mi upaten ahing pui doh ta uhi. Lai a sim sah ua misiem theitah a hinghi a, German gam siemna leh pilna zousie thei in, mi muon umtah ahing hita" Belam ching mai hita lou in German gam leh ami a sate ching dingin lenggam vaihawm uliente vai hawmte lah a mi poimawtah a suoh tahi. Naupang gin um pa khu a pun a gingta a , lengpan a gingta a, a gin um na khu gin umna hat jaw dang in ahing thop chiengin, Pasion in a domsangta! Mi gin um khu aneu ahilai inzong musit sin, ahing piching khu pielpi kamsa bang ahi.

Ginumna khu Pasion a mai ahisih a Vannei vaihawm leng leh lalte ding in apoimaw a, daikikal a meithai tagate ding in zong apoimaw hi. Laisiengthou in mi ginumte a hampaha uhi, vangam amau a ahi ngala (Mt.5:10) achi hi. Mi gin um khu thangsiet zieh a suhsiet thei mawh ahisih a, gitlouna a puilut thei zong ahisih hi.

*Gospel Tangkou June 2019*

USA gamah nungah noukhat a um a, ama khu Governor khat nuoi a sem secretary ahi. Nikhat khu apupa a gimseng ziehin tomkhat vakhawl tawldam phot ding in adantan sung ah alutta hi. A lai-at nu kungah va tawldam phot ding kahi hin, miten hing houpi ut ahi zong in hing subuoi da mai in, ka gim seng a kakhawldam phot angai hi, chi'n thu apie hi. Khum in a pu lutnua sawt lou in telephone ahing ging a, mikhat in Governor ahoupi ut thu ahing genhi. Lai atnu in, apu tawldam thu leh koi man ahoupi thei lou phot ding thu ahil ngal hi. Tualeh naikal kimkhat ding vel nua in telephone ahing ging kia a, phone a thu hing kigen aw in, Governor ahoupi na ding thu kinkhawh tah khat um thu ahing gen kia hi. Lai at nungah nu'n apu a thaw nailou thu leh houpi thei ahinai lou dan thu a genkia hi. Khum in aw in kei America President kahi, napu khu kintah a kahoupi angai a, kin tah a naphoh hal kul ahi ahing chi hi. Khum in lai atnu in pu aw America President hinan lechin kapu in subuoi lou dinga thu ahing hil ahizieh in ka pu ka subuoi theisih ding hi. Khawh

kasa mama hi chi'n a dawng kia hi. Khum in aw in napu sang a lien jaw leh thunei nasang pen tah nei kahi chi nathei sih a hiva, manlang in napu khu kaithou in chin a hankhum tahi. Nungahnu in Pu aw, thuneina sang pen tah neina hithei hi, amabou kei pen President nuoi a nasem kahi sih a, governor nuoi a sem kahi zieh in kapu thupieh khel a kalval in bangma kabawl theisih ding hi achi tahi.

Tam thu kithang in mi zousie bil a thawnta! Governor lai at nu tungah President in bang chi bang action ahing lama diei ?chikhu mite lungkham napen leh houliimna pen ahita hi. Apu governor pa in zong alung khampi a, ana huphul dap mama hi. Amanu in zong akham/ service a pata President in atawpsah lou ding dan zong um in athei sih hi. Khumin ngai wawi, thukhu tambang, ahinghita a, USA President in Governor pakhu telephone in a hinghan kiata a, thu hing ki gen aw in, ahileh nalai atnu khu koi tanu hi mawng mawng ahia! Tam banglawm a apute a dinga ginum talawmnu ken ka mu ut hi, ahitheh leh ka Office a kei matoh sem khawm ding in ka dei in

*Gospel Tangkou June 2019*

lungsiet tah in hingphal pieh in, chin ngetna ahing bawl tahi.

Koima ngaihsutna toh kibanglou tah in kipahna ahing um a, Pasion ahingki pan ma hi. Guolnei Isai in Pasion kam thu agen a, na ngai sutna te ukhu ka ngaisutnate ahisih hi, Van khu leisang a a san jawh bangin, na umdante uh sangin ka um dante a sang jaw a, na ngaisutna te uh sangin, ka ngaisutna te a sang jaw hi (Is.55:8,9) a chi hi. Dihtatna leh ginumna khu Pasion zem hi ichita uhi. Pasion khu mite nuoi a ahi sih a, mite tung a ahiman in, Pasion zem vomte khu Pasion in mite tungah a dom sang ut hi. Mangna sepna ah getsiet zumpi khoh salou in Mangpa dingin kukal tah leh lung kelou in sem in nana sep khu nangma nna hilou in Pasion nna ahi. Gin um nazieh a genthei thuohte Pasion in a domsang hi. Lungkelou in Mangpa nna sem in.

**PROVERB / THUPIL**

1. Tukhang khu masanglai khang bang ahi tahlou ziehin milah ah zatep beri tep khu vengvung sin.

2. Na inn a kholai vahte hoitah tah in kihoupi in, na moble phone toh buoi kei sin.
3. Hui in thuguh apuoh thei lai hun ahita hin, na thu gen nala gen pilvang in.
4. Kikhopna mun na tun ma-sang in, na mobile phone khu silent/flight mode a um e umlou enchien in.
5. Gari tawl kawm in na phone ging nanleh la sin, hospital toh kinai ahi.
6. Phalna mulou in mi mobile phone TV te mawh tham sin.
7. Toilet sung a na um chieng in, la haging veng vung sin.
8. Mi charger, power bank, head phone leh a dang dang te phalna tel lou in moh jah pai sin.
9. Like leh comment deina in thuhoilou, lim hoilou mawh ha thang sin.
10. Na vaikuon na vaitun na innkuonpite khat beh kungah update bawl in, hun ahoi nawn sih.

~~~oio~~~



# 1. KHUPDIN KHRISTIAN hi sawm vai

(Psalm 34:2,3; Jacob 4: 6)

~ Rev. Hauzalian, Founder Editor

Thugen minthang Spurgeon, ama pen Prince of Preacher chi title kipie hi. Tunitan in koima ama thakhel thei a um naisih hi. A thugen ni ka lungsunga thamden leh ka zop chinteng a thahatna hingpie jel ahiman in, ei zong khupdin Khristian ihi theina ding in houlim vai.

Spurgeon in hichin achi a, “ Mi koiman ‘Gospel’ chi khu hoitah in a jang theisih uh a, khuptung a tampi vei dingte loungal in “ a chi hi. Tuachieng leuleu in, “Pasian a ding a nasep tahlou khat pou sem tam kahi amah?Tua ahileh amasapen in ka khuptunga ka hat tahzet phot ding hiva “. Achihi . Khuptunga Hatahzet phot ding chi um zie khu ki ngiemkhieh a Pasian toh kipematna hun tampi zah masah ding china ahi. Adih a khu, Pasian toh kipawlna jalla tha hatna ingate panin bangma zawla ding umlou, bangma zau leh huphul ding umlou, Ama guolzoupa ahina khu iki tanpi uh hi in.Tuachin Ama jalin sil jawna in ibawl thei uhi. (Phil.4:13). Khupdin panna gal doudan isiem chieng un piching hinkhuo mangta vai in, isep pouma guolzawl a um in ga inei ding uhi.

I Text uh Psalm 34:2 houlim jual lei: I ki ngiemkhieh sungsie’n Pasian lungsietn tang vai in, Aman hing zatat van, A thuguhte hing hil va. Dr.John Piper in, “Thumna in ahing kingiemkhieh sah a, tualeh Pasian khu atoisang jel hi.Achi hi. Ei bangmalou i hia, Pasian khu Bangkimma Bangkim ahi. Pasian lungsietna khu thumna tungtawn a idei zaza khaikhieh thei jing ahi. Thugen minthang John Wesley in, kidei khopna solna a napua louna ding in, thum in mit veng jing un.

Gingtute a kingiemkhiet sung sien hagaulam ki thei theina nei vai in, amabou i hing kiletsah tah chiengin a puana ding anaita hi” Paunah in achi (Proverbs 16:18).

Mihiemte akiletsah chieng in Pasian melma a suoh leng uhi. Pasian melma hipum in bang chin Pasian na isem in

ilawching thei diei, kingiem khiehte bou in lochinna thupitah nei jel uhi. Thugen minthang D.L Moody in a lawchinna zousie a khup tung a ngoh hi. “Khupdin Khristian” chileh “Khristian Guolzou hinkhuo Bangchi hin ding “chi agelpan a kingiemkhieh seng tahlatna in a laibu gelh tegel ah amin “Unknown Christian” hisah vayiah hi! Pasion thupina tangta hen!

## **2. MANGPA LOUPI TAHZET**

(Text Psalm 68:11)

“Mangpa’n thu khu ahing pie a, Khumi phuonzah Pawl-pite khu a thupi hi (Zkjv).

I Thupi uh pansan a Laisiengthou manphat dan houlim theina ding a hunpha hingpie Pasion khu phat in umta hen. Kumlui November, 2018 apat Feb.2019 tan King James Version Zokam a inei theina dinga panlahna toh kisai a ipankhawm nate uh loupi kasa hi. A thuneipa leh lem guotpa Pasion jallin eilam panga bawl ding a kilawm teng zophiel ahita hi. Tu’n aki zou sateng correction bawl kom in Publisher dinga inget un TBS (Trinitarian Bible Society) Londonte Final decision ingah

laitah uh ahia, thumna toh deltou jel va ui.

Thuhunlui lai in Moses lamkaina nuoi ah Israel mipiten Biehbuh(Tabernacle) leh mun siengthou pen(covenant) chivel a bawl na ding un Pasion in a lamkaipu uh Moses kungah tangtung ah a bawl dan ding akip akoi in a hil dimdiemta hi. Tuabang in Bezalel leh Aholead kichite gel khutsiem silbawl theina leh pilna aguon a, tuate ni zang in Thuhun Bawm(Ark) leh Biehna mungsieng(Holy Sanctuary) chite bawlin a um a, Cherrubhim kikalah Mang toupaha a um a, khum mun siengthou pen khu siempu lien in kumkhat a khatvei bou alut thei ding chi ahi. A lut chienga zong ama a khelna a umleh a shi den thei ahi va yiah hi. Alut chienga zong a man khelna a umsih chiden thei ahi ve jieh hi! Tuamin Pasion sieng thoudan aleh amiten a bieh chieng ua siengthou leh kilawm tah a bawl ding ahidan a tahlang hi.(Ex.37: 15).

Tu’n Cherubim nite kaala za-ngaina toupaha (mercy seat) kichi khu a tom thei pen in genvai. Tami’n a etsah khu khiei suhmaina (propitiation) hi in, tampen Thuhuntha ah iMangpa Jesu Khrist eite ding a khiei

thoina sillat a ahing kipiehna in a sutang tungta hi. (1 Jn.2:2). I Mangpa uh Jesu Khrist jalin Zangaina toupna khu eite ding in nikhat in dahkal 24 sung a kihongta hi. Pasion phat in umhen! Nichin'n khiel lumlet nanlei zong, zangaina thupha nai zing theina dingin a tatsa mite'n iMangpa inai zing theina dingin iMangpa'n lut theina hingpe zing leng hi.

I gen ut pen, Feb.5, 2019 nia Itna Ankuong chielna mi 31 ten nahing impina zieh ua iBible uh sutthei ding a hing um ding leh sutzaw chieng a ilop dingdan uh kinepnan ahing thathou sah hi. Khumi nia itna annkuong hingna imsahte tung lam a Pa chepte in na um ua, A thu hing leh A Leenggam a dinga na itna silpiehte uh Ama iMangpa ngai in gim namtui tah ahi. Mangpan a gam itunchieng a, lawman imanaw ding un hing kepbit sah ahi chi thei jing un(Heb.6:10). Tu hun nukhie a dinga gingtute Hagaulam a ikhanletna ding leh guolzou hinkhuo inei zing na ding a vanzah hoi pen leh galvan hoi pen khu Pasion Thu Bible ahi. Himi na it a, na zataat a, na ngainat a, na zop leh milah ah mi hampna pen hivateh (Late 11:18). Mangpa'n Thupha hingpeta hen.

### **3. HATTUOM HING (SUONG HINGTE)**

Text. I Khangthute 23:30; I Timo. 3:15; Romte 12: 13; I Pet.2:5.

I. Dr. John Piper in agenna : “ Thumna in eite mitasam bangin ahing kingaangiem sah a tualeh Pasion pen mi hausa bangin atawisang hi”.( Prayer humbles us as a needy and exatts God as wealthy). Thumna khu Nasep siengthou ahi.

II. Hattuom hing in Pasion Hing toh kisopna anei jing hi. Jesun, Keima ka hin jing jiehin nouma zong hing zing va uteh”, achi hi.(John. 14:19). Tuachin Hattuom thupi Guolzoutah a hing jing a suoh hi. Guolzou Khristian hinkhuo khu I umna ding ua Pasion kumtawn lemguot ahi. (Gal.5:16,24). Guolzou Khristian khu I umna ding ua Pasion ihinchieng, ihutdamna uh jal ihaou hi. Nuom isa uhi. Guolzou Khristian hijing theina ding in A thu a kisuhdim jing apoimaw a, a thu a kisudim jing mipen Hagau a dim jing china ahi Pasion thu za a jopte kheel a mi hampna leitungah umlou hi. Laphuohtu in “ Mangpa na thu in hing thuom in Hagau tembanga hiem in”, Zau votsieng, setan gal, Nangma hatna masuon in”- (Rom 13:14).

*Gospel Tangkou June 2019*

III. Misiengthoute tahsapna, tahsap onghu in pieng unlen, Romte 12:13 f. Hattuom a misiengthou ichite koiteng a hei? Ginna jalla siemtangte adie in A sisan gintatna jieh a siemtanna Romte 3:24,25. Tam misiengthouten Pasian Leenggam aluo bep ding uhi. (Nas.20:32). Itna leh Pasianna isepna uh ihutdamna a beiding amah? Hilou e! Nasem dinga hutdam ihi ua, nitenga Pasian deilam theitha jinga, tuami bawl tawntung dinga hutdam leh hat leh teeltuom ihi uhi. Hattuoma bang bawl dinga Mangpan ahing koi ahiei chi theipha louten, isapum uh khu Pasian khoutuona jalla kithoina hing leh siengthou a tat jing a kul hi. (Rom.12:1,2). Tuachin Pasian deilam a tha a theina leh bawl utna lungtang inei ding hi.

Etsahnan Lamka khopi sungah Hattuom hingkhath um taleh, bangchibep va nachi uai ? Tuapen in dawite pemmang na khopi a umte bang chiva ichi uai ? Khat le khat kingaina, khat le kat kilamtou, khat leh khat kisuhath, khat le khat kithumpi, khat le khat dihtatna leh ki itna a kihanthawn gige a, thungetna

a galdoukhawm jing hiva uh. Thumna a galdou ichi bang ahiei ? Thumna a galdou khu khupdin a thuma, khupdin a Mangpa toh hun manpha man gige ahi. Galdouna lah ah zong khupdin a thumna, khupdin a Mangpa toh hun manpha man gige ahi. Galdouna lah zong khupdin na lah ah zong khupdin a galdou khu Pasian masot a galdou ahi.(Psalm 16L8). Tuabang a Hattuom hinga memberten amawpuohna uh a theisiem chiet ua, setan a doukhawm chiet ua, guolzou Khristian ahitou jel uhi. Thamlou in gou lainatna in sawl paupau in, Pasian thupieh khu Ama lungsim zousie a it in, genthei thuoh a nuom in lungke lou in Mangna a sem jel uhi. Tuachin lungsietna leh lungmuonna khu atung uah nibang tang jingtavan in, ajiehpén amauten Mangpa kungah nuom thu gen khu jing chin leh zaan chin in chimtah lou in napipen in anei ua, amaute ding Mangpa khu ahoi thuoi a, a khoutuona khu kumtawn in a um jing hi.(Rom 1:70; Psalm 136:1-26). Mangpan thupha hingpe taken.

~~~oio~~~

## **LUTHERAN HATTUAM TANCHIN LEH AHING KIPATDOH DAN:**

~ Evan. D. Ginpu

Lutheran hattuum khu Protestant hattuum teng teng lah ah Upa/tah pen ahi. Protestant hattuum chipen Roman catholic hattuum hoisa Lou anialkal pawl hattuum chi na ahi. tam pawl ang pienkhiat dan leh ahun October. 31, 1517 dan in asui thei hi. Tam Roman catholic siampu khat martin Luther in Germany GAM a wittenburg bieh inn kot ah Roman catholic hattuum peidan leh laisiangthou toh aki tuoh Lou Dan nialkalna point 95 hing tah khie hi. Azilsah apoimaw adei dieh khat ahileh hundamna khu sum alei thei chia Germany GAM pumpi tuan a ajua pen thu ahi deu pen hi. Lutheran in hattuum dang phusom tuan jong hilou in catholic sung mama a kibawlhoina ding uh tum ana hi jaw hi. Ahihang in asiltup in hattuum helna lian tah hing tut in hattuum Protestant kichi ahing pieng doh hi. Tuahun akipatsa in Martin Luther pen ama ngaidante topsan ding in tamveipi thuhil in ana om a, hinanleh atopsan nuom lou ziehin kum1521in Roman catholic apat in ana not khie uh hi. Tuachin a man nuajui tampi hing Siam doh in kikhopna atuom in hingpan khie hi. tam hun akipat in martin Luther doudeh pawl ten tam hattuum kipan tha te khu Lutheran's.chin anghan uhi. tuni tan in amin uh ang asuah ta hi. tam pawl te hing hat deu deu hing khang deu deu in tuni Chiang in lei tang pumpi ah hing kithethang in tu hun chiang tan ah hattuum khanghat pen leh pawlpi lian pen hing suah ta hi.

### **1. A THUGINPI ZIL SAHTE:**

Laisiangthou 66 Thuhun lui bu 39 thuhuntha bu 27 abon in Pasian hu ha khum ahi. Pasian thu toh Pasian ki lah na bukim akigial namasa adih Lou um Lou gingtate ding leh gamtat na ding akibul phuna leh doh ding thu

top paai khen leh belap ding kullou lou jui ding leh kingah na ding um sun ahi.

### **2. PASIAN:**

Pasian tah leh hing ton tung a um gige khat mai mai aum a; Pasian Ami thum kigom Pa, Tapa, Hagau Siangthou kigawm pum khat, sakhat

piendan khat silbawlthei, thuneina sil neite leh hina kikim a aum na in Pasion a mithum pumkhat ahiman in Thuhunlui leh Thuhuntha hun ah hoitah in Pa toh Tapa toh Hagau Siangthou in semkhawm veve uhi.

### **3. SETAN DIABOL PA:-**

Setan Pasion bawl vansawlsiang te lah atungnung ahi. Lusifar jong akichi hi. Athupina leh asilbol thei na ki phok in Pasion sang atungnung zaw silbawlthei zaw thupi zaw Tungnung ding utna in Pasion melma abawl in tuachin van aki pat in sawlkhiat in ana umtahi. Tuachin Pasion melma lien pen asuah ta hi. Pasion siltup leh lunggel teng teng lawsap sah tum in Pasion bawlsa mihing teng teng khelna ah puilut pai in ginglou mite sungah a ut bang bangin na sem hi. Tuomai a hun salou in gingtute nasan suhsiat sawm in nasatah in pan la hi. Pasion in avaihawmna nukhia pen hun ah tangtawn gawtna meidil apailut ding asesa ahita hi.

### **4. MIHING**

4. Mihing pen Pasion in Ama kibatpi a, a siem ahia mi

masapen Adam leh azi Evi ahi uhi. Pasion batna nei a khiellou leh siengthou a um kimlai Setan khemna a puo in thumanlouna ah hinglut in mihing ah Hagau leh tahsa shina tun pai in mi zousie zelsuoh hi. Pasion mai ah koima dihtat siangthou hoi leh hundam thei ding omlou hi. Tuaziehin mi zousie tangtawna a mangthang leh siding ahi ta ua, hundampa a poimaw uhi.

### **5. KHELNA**

5. Setan in mi masapen Adam khelna ah apuilut a, Adam zieh in mi zousie pienken in a khial ua, na sep in zong akhiel uhi. Tam khelna ziehin leitung hamsiet ahi a, mihingte tahsa leh Hagau shina atun hi. Pasion mai ah koima midihtat, siengthou, hoina leh patatna law zou koima aum sih hi. Pasion lungthahna leh vaihawmna thuoh ding maban ahi.

### **6. HUNDAMNA**

6. Mizousie mikhiel mangthang hundam ngai ahi man in Pasion in atapa Jesu Krist khelna mana pie in a thuoh a Kross a siding in hing sawl hi. Tua a hepina ziehin mimal in ginna tungtawn a hundam/siam tangsah hi. Tua ginna ziehin mikhiel

a khelna ngaidam leh hundam ahi. Nasep silbawl siamna pilna leh sil pieh ziehin hundam in koima aum thei sih hi. Ginna zieh mai in mi hundam in a um thei hi.

## **7. HATTUOM**

7. Hattuom Krist hundampa a nei mite kipawlkhawmna ahi. Pasion hattuom ah Krist lupen ahina ahi. Hattuom mite pen hundamte khelna leh sihna a kipan hatkhiette ahi uhi. Hattuom nna pipen khu Jesu Krist sepban sepzom ahi. Tuopen hagau mangthang matna ahi.

## **8. TU NUA DING THU**

8. (a) Krist hing pei ani veina (Second coming) Lai-siengthou gen bang i mit mu mama in Krist hing pei kia ding hi. Krist hing peina sung ah hun tuomtuom 2 ni aum hi.

i) Hui khuo hing peina (Rapture) tam hun Krist a sisate thawkiana leh lahtouna dam a um nalaite suh lamdang na leh lahtouna ahi ding a, mikhiel sisate leh damlaite lahtou ahi nai sih ding hi.

ii) **Kum 1000 Kumpi Gam Vaihawm ding ahing pei ni:** Tam hun khu huikhua a lahtou na zou chieng gimthuohna Kum 7 (sagi) bei toh kituoh Krist

Kumpi gam (Kum 1000 gam) a vaihawm ding a Krist hing pei kiana ahi ding hi. Tam hun in gimthuohna hun a Krist tatna zieh a tha aum kaithouna amauh teleh kawldam a um gingtute toh Kum 1000 Kumpi gam lutna ahi ding hi. Tuochieng Rapture a lahtou a umte zong hing tel ding hi.

## **GIMTHUAHNA HUN (Tribulation)**

b) Laisiengthou gen bang in Rapchar zaw chienga apat Kum 7 (Sagi) sung teng Pasion thangpaina sunbuahna hun (gimthuohna) a um ding hi. Armagedon kidouna leh Krist leitung a ahing pei kiana ahi. Tam hun ginglou mite leh Judate gimthuohna hun ahi ding hi.

## **KUM 1000 KRIST KUMPI GAM (Millenial Kingdom)**

c) Pasion in Abraham David leh asuante uh kunga chiem tangtawn a Krist in leitung a Kum 1000 a vaihawm hun ding ahi ding hi. Tam hun ah Krist Kumpipa ahi ding hi. Gimthuohna hun Kum 7 (Sagi) bei toh kituoh in Krist hing pei kiana ah tam Kumpi gam akipan ding hi.

d) **MISITHOKIANA**  
(Resurrection of the dead):

Laisiengthou gen bangma in mishite thokiana aum ding hi.

Gingtute hundampa Krist a sang mite thokiana khu Rapchar hun Kum 1000 Kumpi leenggam kipat masang Krist hing peikiana hun ahi ding a, ginglou mite pen Kum 1000 Kumpi leenggam zaw a Mangtoupha ngou mai a thukhenna nukhia-pen hun ahi ding hi.

**VAIHAWMNA NUKHIA**  
(Last judgement):

a) Kum 1000 Krist leenggam zaw chienga Mangtoupha ngou thupi ah Pasion thu khenna hun Laisiengthou gen mabangin aum ding hi. Tam hun ah ginglou mite vaihawm sah ahi ding hi. Krist a gintat lou zieh uleh a

thumanlou zieh ua tangtawn gotmun a peisah hun ahi ta ding hi. Belam nam (gingtute - kel nam (gingloute) khenkhietna nukhia pen ahita ding hi.

b) **TANGTAWN HUN**  
(Eternity)

Laisiengthou gen bangma in Mangtoupha kang thupi mai ah thukhenna zaw ahi toh kituoh in gingtuten Pasion Kumpipagam ah tangtawn nopsahna hun azangta ding ua, ginglou miten gawtmun (meidil) ah tangtawn hasatna azang ta ding uhi. Tangtawn hun in Laisiengthou gen bangin beini anei non sih ding hi.

## **A SIANGTHOU BAPTISMA A SACRAMENT**

(The Sacrament of Holy Baptism)

**~Pastor Khup Do Khen,**  
*Bangaluru*

Inn suangtu pen in, a innkuanpite a theisiamna dingua a hil ding ahi.

### **A Khatna**

*Baptisma kichi bang ahiei ?*

Baptisma kichi khu tuisihtam (Tui) guoh ahi pongsan sih a, a siangtho

Pasion kammal leh Pasion thupiah in a tunkhum tui khu ahi.

***Pasion kammal kichipen  
tah bang ahiei ?***

I Mangpa Jesu Khrist in Mathiu bung top na ah tambangin agen hi: "Tuazieh in pei unlen, nam chin apat nuazui ding bawl unlen, Pa leh Tapa leh Hagau Siengthou min in baptis unlen," Tami khu Pasion kammal ahi. **(Mathiu 28:19)**

### **A Nina**

*Baptisma ibawl un bang phattuumna ang pie ei ?*



## *Gospel Tangkou June 2019*

Tami baptisma in khiel ngaidamna nasep asem a, shina leh Setan apat ang hunkhie hi. Tuaban ah, a gingta te adingin tangtawn hundamna apie hi. Tampen Pasion kammal leh A Thuchiam in apuang khie hi.

*Pasion kammal leh A Thuchiam ichite khu bang bang adiei ?*

I Mangpa Jesu Khrist in Mak bung topna ah hichiin achi hi: “Koipou a gingta a baptisma tang khu hundam in aum ding a; hinanleh agingtalou khu siemmaw tangin a um ding hi.” **(Mak 16:16)** Tamte khu Pasion kammal leh A Thuchiam ahi.

### **A Thumna**

***Tuisihtam mai mai khat in bangchi talom a tambanganna asepthei adiei?***

A dihtah in tuiguoh in bangma asem thei sih hi. Hinanleh, khumi tui leh khumi tui sunga kijeplut Pasion Thuhing khu in nna ang sep ahi bou hi. Tuaban ah iginna toh kithua a khum Pasion Thuhing tui sunga kijeplut ahi chi imuanggam na khu in jong nahpi tahin nna sem hi. Pasion Thuhing panglou in khumi tui khu, tuisihtam, tui mai mai ahi lel hi. Hinanlejong, khumi tui-a Pasion Thuhing ang pan tah

chiengin, hinna pie tuihing lui, hepina toh kidim leh Hagau Siangthou a pianthana leh sopsiengna Baptisma ang suah hi. Tita bung thum na ah misiengthou Paul in tam bangin a gen hi:

“Dihtatna nasep eite’n ina bawlte zieh hilou in, Ama khotuona dungzui in eite ahing hundamta hi, tua hundamna pen Hagau Siengthou zieh a pienthana a silsiengna leh siemtha kiana zieh ahi. Tua Hagau Siengthou khu I hundampa Jesu Khrist ziehin itung uah kingingching tahin ahing sungbuo hi. Ama hepina a siemtansah a um in kumtawn hinna kinepna dungzuiin gou luote hi dinga siem in ium ngei ding uh hi. Pasion gingtaten silhoi bawl ding ngaituo u’heh chi thu a muan huai ahi, tualeh tam thute khautah a na gen zing dingin ka dei hi. Tamte pen mihingte dingin ahoi a, tualeh a phatuam hi.” **(Tita 3:5-8)**

### **A Lina**

***Tambang talawm a Tui toh ki baptis na in bang koh anei ei ?***

Tui toh ki baptis in a koh nop pen ahileh, ei a um Adam lui (Eden khelna) pen nichin a kisiana huaisie vot leh kisiam-

thana toh ishi sah ding uh ahi. Tuabanah khelna-mawna leh utna gilou jousie toh a shi khawm ding uh ahi. Tamte jou chiengin, ei mimal khu mihing tha (new man) isuah ta ding a, Khumi khu nichin a itha sua sah jing ding ahi. Kum eia patsa hing potdoh mihing tha khu Pasian mai ah dihtatna leh sianthouna (purity) toh ahing khangdoh dinga Pasian toh a

tengkhawm tawntung ta ding hi. baptis in ama toh vuiin I um uhi." (Rom 6:4)

*Tam thu khu heia ki giel a hiei ?* Misiengthou Paul in Rom laibu bung guh na ah tambangin a giel hi: "Tuaziehin Pa thupina in mishi laha kipat in Khrist a kaithaw banga eite jong hinna tha a I hin theina dingun ashina ah baptis in ama toh vuiin I um uhi." (Rom 6:4)

## **JESU KHRIST AHING PEINA SANTE**

By:~ Sea Dongzalam, Singngat.

I Mangpa Jesu leitunga ahing peina sante(jiehte) chi, i Laisiengthou apat tam lou enlei ichi a, tamte apat ihina leh idinmunte uh eima chiet in ki sermon a, iphat tuompi ngei ding lam en in genbe lou kei in Laisiengthou thu mai in tah lang lei ichi uhi.

1. Lk. 4:18,19 : Liangvaite kunga Khantanhoi gending a sathau ahing nutah zieh in, Mangpa Hagau ka tungah a um hi. Aman lungtang hasete sudam ding leh, saltangte kunga suohtatna thu leh mit tote kunga mitvah kia nathugen ding leh bawlsietna thuohte zalenna leh, Mangpa lungdam kumthu gen dingin ahing sawl hi.

2. Lk. 19:10 - Ajieh pen mangthaite sui a hundam ding a mihing Tapa hingpei mawng ahi, achi hi. - Jesu.

3. 1 Timo. 1:15- Jesu Khrist khu mikhielte hundam dingin leitung a hingpei hi chi, tam thu gintaat umtah leh pomtah mama ahi. Tua mikhielte lah ah kei mikhiel lianpen kahi. - St.Paul.

4. 1 Jn. 3:8 - Khelna bawl mi khu Diabol a kipat ahia, aziehn pen Diabol achil a kipat in a khiel tawntung hi. Pasian Tapa ahing kilatna ziehpen, Diabol nasepte susie(subei) dingin ahi hi. Hepi John.

5. John. 10:10--Gutate khu

*Gospel Tangkou June 2019*

guh ding leh thading leh suse ding loungal in ahingpei sih, kei pen ama un hinna a nei na ding uleh, kiningching tah a anei anding ua hingpei kahi.

6. John 18, 37 - Tuachin Pilat in a kungah, ahileh kumpi nahiei leh ? Achi hi. Kumpipa nahing chi, nachi dih hi. Tami ding mawnga pieng kahi a, tualeh thutah theipi dinga leitung a hingpei kahi. Koipou thutah a umpou ma ten ka aw a za uhi a chi hi.

7. Mak 10: 45- Aziehpén mihing Tapa zong miten ana asepih ding a hingpei ahisih a, mite na seppieh ding leh mi tampi tatna ding a, ahinna pe dinga hingpei ahi zaw hi.--Jesu.

8. Heb.2:15-18 --Tualeh shi jaujeh a a damsung teng uh sal a taang zousie a suo tatsah theina ding in, Aman vansawlsienge apanpi uh ahisih a, Abraham hah leh suonte panpi ahijaw hi. Tuazieh in ama pen Pasion nasep lam ah, mi khotuo thei leh gin um, siempulien ahi theina ding leh mite khelna thupha tawipa abawl theina ding a bangkim a, a unaute bang bang a bawl a ahing um khu Ama ding in a kiphamaw mawng ahi.

Ama mama in zong solna tuoh a ana thuoh tah ziehin, solna tuohte khu a panpi thei hi.

9. John. 12:46,47. Kei, Leitung vaah dinga hingpei kahi, koipou kei hing gingta khu, miel a a um den louna ding un. Aziehpén, Leitung thu khen a mawsah ding a hingpei kahisih a, leitung hundam ding a hingpei kahi zaw hi.--Jesu.

10. John.6:38-- Aziehpén , keima deilam bawl ding a van a pata hing peisuh kahi sih a, ahing sawlpa deilam bawl dinga hingpei kahi zaw hi.---Jesu.

11. Mat.5:17-- Danthu leh guolneite thu sumang ding a hingpei ahi, chiih ngaisut suh un, a sumang ding a hingpei kahisih a, a su taangtung ding a hingpei kahi zaw hi.--Jesu.

Tam a tunga point 11 itahlat teng(isuidoh lah ah, kei leh nang zong ipan ngai ahi. Ahing suikhe lou ihileh vang, gingtu dihtah hikhilou a, a thawna taitai lel ihi mai hi. A thutah itahlatte apat in a thuneipa iPasion ngei in a simtu tengtung lungtang sunggil chiet ah hing guolzawl chietta hen.

~ Amen ~

## *Thu tuomtuom*

### **1. BIAHINN KOT HONNA**

MELC Central Church Tuibuong in a hattuum uh a kum 28 chinna lopna leh a Biehinn uh Building tha honna 26 May, 2019 in MELC Bishop Rt. Rev. Dr. SK Manlun in nei hi. Hattuumte pankhawmna leh MELC Pawlpi panlahpina leh Pasion panpina toh program teng jaw ahi. Program zaw in mipi'n annkuong sohkawm na um hi. Pasion in thupina tang ta hen.



2. Dt. 2nd June 2019 (Seppatni) in Harvest Training Institute ah I Missionary te uh 1) Mr. Shanti Kumar 2) Mr. Shyam Kanhai leh 3) Mr. Ibothem te'n Training jou in Graduation alah thei tah zieh un kipahtu Pasion kungah i gen uhi.

3. North East Central Training and Research (NACTAR) Shillong a Missionary Training a um lellel Pastor Kapkhanhau leh Pastor Douchinlal te thumna ah thei zing va ui.

4. MELC Office a zah ding Bill Counter/Sum simna ni kilei tahi.

5. Ahing tung ding Dt. 15th June 2019; 11:00 AM chiengin Singngat MELC inntehna in Upapu Tongzakham Taithul leh Upapi Zelnian Tawtah te kiten Kum 60 Chinna, Diamond Wedding Anniversary (15/6/1959–15/6/2019) vaiguon zahna Singngat ah um dinga, tammi hun ah Jubilee Suong Honna Pu Ginsuanhau Zou, Hon'ble MLA, 60 Singngat AC & Chairman MANIREDA, Govt. of Manipur in nei dinga, tualeh Suong latna leh Jubilee Maitam latna Rev. Kamminthang Taitom, DS Singngat Division, MELC in nei ding hi.

## *Gospel Tangkou June 2019*

6. Evangelical Lutheran Church in America (ELCA) te sponsored na toh Gender Justice a 3 veina Tuiningkhuo, Sangaikot Division ah dt. 29th June, 2019 ni'n zoh sieng ahita hi. Tambang a i ma hing pui a lawchingtah a Seminar hing zou sah tu i biah Pasion min phat in umta hen.

7. **NUTE CAMP:** ELWA Hqtrs. te saina in **"NANG GUOLZAWLNA NA HI IN"** (Gen.12:2) chi thupi pansan in Dt.11th - 15th June, 2019; zingkal tan dai dingin MELC HQ. Church, Zomi Colony ah NUTE CAMP kipan a, Dt. 11th June, 2019 nitah in Rt. Rev. Dr. S.K. Manlun, Bishop MELC in Camp honna nei hi. Report kimu dan in campers 120 pang thei hi.

Tammi Camp ah Speaker in Nu Niankhoching, Nh. Dimzangai leh Nh. Liankhoman (EBC) amauh teng pang ua, Rev. Dr. Hangminthang, Camp Director hi in, Pu Tunmang, Mess

Manager ahiban ah Nh. Nuomboi, Women Promotor leh Nu Nuamzahat, Asst. Secy. ELWA GHQ. te Registration/Hospitality & Time Keeping in pang uhi. Camp lawchingtah a zoh ahi thei na ding in i thumna uah lan chiet vai.

8. Dt. 14th June 2019 chiengin MELC 2nd Executive Meeting um ding ahia, memberte koipou pellou in telkim chiet sawm vai.

**Amun :** Martin Luther Hall, MELC Office **Ahun :** 11:00 AM

9. Dt. 10th June, 2019 ni'n Upa Zamkhanpau Chennai, Tamil Nadu ah Confronting Proverty and Economic Justice Workshop mang in vakuon khie hi. Ama ahileh dt. 15th June 2019 chiengin hing kilekia ding ahia, lawchinna toh damtah a ang kilekia na ding in thumpi chiet vai.



**THEISAHKIANA**

MELC in thu kizahna inei sun sun uh **GOSPEL TANGKOU**, Editorial Board deina bangin MELC sunga local teng Patron member a pang ding chi ahiman in Local Church bang zat e khat in Patron Member fee Rs. 1500/- (Rupees One thousand and five hundred) only ape zouta hi. Hinanleh Local Church bangzat e khat te lemtang nailou ahiman un Patron Member fee ape thei nai sih hi. Ahi theileh tam anei a Local Church hing kitahlang te'n Patron member fee MELC Office ah hing pe ding in Pasian min in ikingen in ikitheisah sawnsawn uhi.

**GOSPEL TANGKOU Rs. 1500/- Church a pe nailoute**

- |                      |  |
|----------------------|--|
| 1. Simveng MELC      | 2. Central Church MELC                       |
| 3. Manniangkhuo MELC | 4. Zoumunnuam MELC                           |
| 5. Ngulzenveng MELC  | 6. Tuaitengphai MELC                         |
| 7. Sehken MELC       | 8. Mata Mualtam MELC                         |
| 9. Sumchinvum MELC   | 10. Zabellei MELC                            |
| 11. Phaibem MELC     | 12. Likhai MELC                              |
| 13. Kullian MELC     | 14. Tuining MELC                             |
| 15. T. Vajang MELC   | 16. Sugnu MELC                               |
| 17. Zoubethel MELC   | 18. D. Janguom MELC                          |
| 19. Saite MELC       | 20. N. Leitan MELC                           |
| 21. Leijangphai MELC | 22. Tonjang MELC                             |
| 23. Suongphu MELC    | 24. Janguom MELC                             |
| 25. Pah muol MELC    | 26. S. Sehken MELC                           |
| 27. L. Zoujang MELC  | 28. Imphal MELC                              |
| 29. Shillong SLC     | 30. Singheu (Paid Rs. 120/-<br>Due-Rs. 1380) |

\*\*\* Tam atung a kho min tuang loute apesa ahita uhi.

H. Khaikhogin  
Circular Manager

## Patron Memberte

- |                               |                                |                                 |
|-------------------------------|--------------------------------|---------------------------------|
| 1. (L) Upa T. Chinzakhai      | 56. (L) Upa Pumzagin           | 111. Pu T. Samuel Tualminthang  |
| 2. Pi Warlita Manlun          | 57. (L) Rev. Khaamthang        | 112. Sya. T. Dongzalam          |
| 3. Pu M. Khamzamang           | 58. Pu T. Lamzagin ASC (Retd)  | 113. Upa Paukhosuan             |
| 4. (L) Upa T. Gougim          | 59. Upa S. Kammang             | 114. Rev. Ginsuanthang          |
| 5. Upa M. Kaichinkham         | 60. Pu L/Nk Mangchinthang      | 115. Upa M. Khupkhanhau(Retd)   |
| 6. Pastor P. Vungzathang      | 61. Pu Pumkhanmang             | 116. Pu M. Haukholian           |
| 7. Pu P. Chinzakhup           | 62. Upa Tunzagin               | 117. Rev. Chinlunmang           |
| 8. Pi Chinnu (Mrs.Gouzadou)   | 63. Pi Zengaihniang            | 118. Pu H. Khaikhogin           |
| 9. Upa D. Khupsuanpau         | 64. Pu Chinsuanlam             | 119. Pu T. Chinkhohau           |
| 10. (L) Pu Thangkhanlal       | 65. Nu Kangnu                  | 120. Pastor Khupdokhen          |
| 11. Upa M. Jangkhhohau        | 66. Pu Genkapthang             | 121. Pu Khamkhanhau             |
| 12. Pu T. Gouzalal            | 67. Pu Paul Henkholal          | 122. Pi Lunsuanchiin            |
| 13. Upa Jangkhhogin           | 68. Upa Nengkhenthang          | 123. Pu Tutzamung               |
| 14. (L) Upa M. Khamzathong    | 69. (L) Rev. P.K. Khama        | 124. Pu Dongzakam               |
| 15. Pu H. Thangmang           | 70. (L) Pi Nuamneikim          | 125. Upa Thangchinthang         |
| 16. Pu M. Ginzasuan           | 71. Pu Dr. David Vumlallian    | 126. Sya Thangkhanpiang         |
| 17. Pu M. Kailam              | 72. Upa Ginzalam               | 127. Pi Goikhanman              |
| 18. (L) Pu T. Soiminthang     | 73. Rev.Kamminthang Tungnung   | 128. Upa Zamkhosuan             |
| 19. Pu S. Suankhothong        | 74. Rev. Thangliankham         | 129. Pu Jamchinpau Samte        |
| 20. Pu S. Tunsuanhang         | 75. Rev. Nangkhanlal           | 130. Sya Tunzalang              |
| 21. (L) Pu Hauchinmang        | 76. Sya Dongzapum              | 131. Evan. D. Ginpu             |
| 22. (L) Dr. Upa Tongkhokai    | 77. Dr. N.D. Samte             | 132. Pastor Khamkhenthang       |
| 23. Pu T. Ginzamang           | 78. Pu Sienzathang             | 133. Upa Chinsuanpau            |
| 24. Pu T. Goupau              | 79. Pu Sheshei                 | 134. Pu P. Tunzamang            |
| 25. (L) Dr. Lampu             | 80. Rev. S.K. Manlun           | 135. Pu Kamneithang             |
| 26. Pu P. Sanjeev             | 81. Pu Hauliankap              | 136. Mother Neumzavung          |
| 27. Upa P. Kamzadou           | 82. Pastornu Niangzadim        | 137. Upa Thongzalam             |
| 28. Dr. Ginniing              | 83. Rev. Ngilzakhup            | 138. Pu Kaikhankap              |
| 29. Upa Lt. Col.Thongzadou    | 84. Pu Hausuanthang            | 139. Ex-Sub. Upa Kaichinpau     |
| 30. Pu John Zamkhomang        | 85. Upa Khamchinlam            | 140. Pu Ex-Hav. Thangzakhup     |
| 31. Pu M. Lunkhoneh           | 86. (L) Khaiminlian (13 yrs)   | 141. Upa S. Suanzakham          |
| 32. Pu Kapzamang              | 87. Upa H. Khamzamang          | 142. P. Chinminthang            |
| 33. (L) Pu Hauchinthang       | 88. Pu P. Sienzadong           | 143. Rev. S. Nengkhanmang       |
| 34. (L) Upa S. Khamzalam      | 89. Pi Neikhokim               | 144. Pu T. Lianchinlam          |
| 35. (L) Upa Sub. Lianchinmang | 90. Pu Hausuanlam              | 145. David Kapsuanmung Zo       |
| 36. Upa S. Zamzalam           | 91. Pu Ginminthang (Gigin)     | 146. Nh. Vunghauniang           |
| 37. Pu Khamzatun              | 92. Pu Khupminthang            | 147. Tv. Goumuankhup            |
| 38. Pi Nemrang                | 93. Nu Lhainei                 | 148. Khupno Tombing             |
| 39. Upa Tuahchinhou           | 94. Rev. Kamminthang           | 149. Ginshanglian Samte         |
| 40. (L) Upa Kaikhohau         | 95. Pi Ngailianmoi (Momoi)     | 150. Ex.Hav. Khupzathang        |
| 41. Dr. Jainson Haokip        | 96. Pu Aron T. Muanthang       | 151. Nu Muanchig Sangma         |
| 42. Pu Kapkhanthang           | 97. Pu Thongneipau             | 152. Sub. P. Goukhanlian Zou    |
| 43. Pi Manpi                  | 98. Pu Dalkhanthang            | 153. Ex-Hav. Sianzakhai Munluo  |
| 44. Pu Philip Thanglienmang   | 99. Upapu Soikhohau Samte      | 154. (L) Upa Thangkhekam        |
| 45. Upa Haukholam             | 100. Rev. Thangkhanmang        | 155. Upa Thangkhojam            |
| 46. Upa Kaikhanlun            | 101. Rev. Nengkhanlal          | 156. Pastor Kapkhanhau          |
| 47. Pi Lhingneiting (Helhing) | 102. Pastor Lamgen             | 157. Pastor Thangkhangomam      |
| 48. Pu Thangchinsuan          | 103. Pi Cicilia Maman          | 158. Pa M. Ginkhankhup          |
| 49. Pi Goukhorian             | 104. (L) Pro Pastor Kamzathang | 159. Upa T. Pumminlal           |
| 50. (L) Pu T. Gouchinthang    | 105. Upa T. Nungkhochinpau     | 160. Pa M. Khammuanlian Zou     |
| 51. Pu M.L. Thanghau Zou      | 106. Rev. Dousuanthang         | 161. Nh. Momawi Milun           |
| 52. Rev. V. Hangminthang      | 107. Rev. Hangpi Manlun        | 162. Upa M. Hauminthang         |
| 53. Rev. Dr. Ginkhanmung Zou  | 108. Tv. Hauthang              | 163. Pastor Kamsuanlal          |
| 54. (L) Ex.Nk. T.Dongminthang | 109. Rev. Thangchinkhup        | 164. Ex.Sub.Upa T. Mangkhenmung |
| 55. Pi Neingaihawm            | 110. Rev. Kapsuankhup          | 165. Pu T. Ginkhothong          |
|                               |                                | 166. Upa V. Lawmsang            |

Koipou Patron member a pang utte a dingin ₹. 1500/- pie in a pang thei gige hi.

**If undelivered, please return to**

The Editor, Gospel Tangkou  
MELC Office, Hqtr. Zomi Colony  
Post Box – 10, Churachandpur - 795 128  
Manipur, India,  
e-mail : [melchqtrs@gmail.com](mailto:melchqtrs@gmail.com)

Gospel Tangkou (Gospel Herald)  
RNI Regd. No : 62170/95 MNP 76  
(Hachin a kisuo,hattuom khanletna ding)

(RNI Regd. No:62170/95 MNP 76)  
BOOK POST

To

.....

.....

.....

*Layout & Typesetting @  
MELC Office  
Printed @  
Thawmsons Color Press,  
H. Lamka*